



SaudaraKu

**Assalamualaikum Wrt Wbt
Bismillahirrahmanirahim.**

Dengan Nama Allah Yang Maha Pemurah Lagi Maha Penyayang. Selawat dan Salam semoga tercurah kepada Junjungan Besar Nabi Muhammad S.A.W keluarga, sahabat dan kita generasi penerus warisan perjuangan Baginda S.A.W. Segala puji bagi Allah Yang Telah Berfirman:-

"Dan hendaklah ada di antara kamu segolongan umat yang menyeru kepada kebaikan, menyuruh kepada yang makruf dan mencegah dari yang mungkar, merekalah orang yang beruntung"
(Ali 'Imran:104)

Syukur kepada Allah Azza Wa Jalla yang telah memberikan kepada kita hidayah Islam. Syukur kepada Allah yang telah memberikan iman dan keinginan untuk beribadah, berdoa dan mengharapkan kepada-Nya dan serta takut kepada azab-Nya.

• **Marilah kita bersama melatih dan mengajar diri kita menjadi khalifah Allah yang taat melaksanakan perintah-Nya dan meninggalkan segala larangan-Nya.** Rasulullah adalah suri teladan bagi kaum muslimin, contoh sebaik-sebaik manusia, ambillah perilaku Rasulullah, serta mengiktibarkan perjalanan dan pengalaman hidup Baginda.

• **Marilah berpegang kepada sifat Siddiq, Amanah, Tabligh dan Fatonnah yang ada pada Baginda Rasulullah.** InsyaAllah kita semua akan selamat dunia akhirat. Agama, bangsa dan negara juga akan sentiasa terpelihara sehingga ke akhir zaman.

• Adalah menjadi tanggungjawab bersama hidup dengan penuh kasih sayang, persaudaraan dan saling menolong, sebagaimana firman-Nya

"Dan berpeganglah kamu semua kepada tali (agama) Allah dan janganlah kamu bercerai-berai, dan ingatlah akan nikmat Allah kepada ketika kamu dahulu (masa jahiliah) bermusuh-musuhan." (Ali 'Imran: 103)

Perjuangan kita jauh, banyak ranjanya namun begitu persaudaraan Islam yang diikat dengan kepercayaan bahawa Allah Azza Wa Jalla itu berhak ke atas segalanya. InsyaAllah semua masalah dapat diatasi bersama.

• **Marilah kita bersama berusaha bersungguh-sungguh untuk menjadikan kenyataan perpaduan ummah. Dengan kekuatan perpaduan ummah sahajalah kita akan dapat memastikan ketinggian syiar Islam sekaligus membela nasib ummah. Ketepikan perbezaan pendapat dan ideologi. Kukuhkan persaudaraan di antara kita dan bergerak ke hadapan dengan penuh keyakinan demi Islam**

• **Marilah kita semua berikrar menjadi pengembara mukmin sejati yang tidak pernah takut dengan kehidupannya, rezekinya dan kematiannya. Marilah kita bersepadu mengumpul bekalan untuk kehidupan akhirat. Usaha dirisau dan bersedih segala musibah dalam kehidupan. Yakinilah bahawa Yang Maha Esa akan sentiasa memberi petunjuk kepada kita apabila kita memohon daripada-Nya.**

• **Marilah kita melaksanakan syariat Allah dengan penuh keyakinan dan konsisten. Jagalah syariat yang telah difirmankan dalam Al-Quran dan Sunnah Rasulullah. Hidupkanlah diri dan minda kita dengan kemahiran dan pengetahuan selagi tidak bertentangan dengan Kitab Allah dan Sunnah Rasulullah. Bersandarlah kepada Allah dalam setiap langkah yang kita ambil dan laksanakan. Bersabar dan didik jiwa serta bentuk keperibadian diri sebagai mukmin sejati. Ini Jelas dengan firman Allah dalam Surah Ali 'Imran:200**

"Wahai orang yang beriman bersabarlah kamu (menghadapi segala kesukaran dalam mengerjakan perkara-perkara yang berkebakikan), dan kuatkanlah kesabaran kamu (lebih daripada kesabaran musuh, di medan perjuangan), dan bersedialah (dengan kekuatan pertahanan di daerah-daerah sempadan) serta bertakwalah kamu kepada Allah, supaya kamu berjaya (mencapai kemenangan)"

• **Marilah kita sama-sama memohon kepada-Nya supaya kita diberi keupayaan untuk membentuk serta mencapai kesempurnaan kehidupan dunia akhirat dalam semangat penuh perpaduan.**

• **Marilah kita mencari perdamaian dengan membuka jalan kebaikan dengan niat yang ikhlas demi memelihara Islam. Bersama-samalah kita mencari jalan permaufakatan. Keikhlasan kita akan membawa keberkatan. Firman Allah:**

"Dan jika mereka (pihak musuh) cenderung kepada perdamaian, maka engkau juga hendaklah cenderung kepadanya serta bertawakallah kepada Allah. Sesungguhnya Dia Maha Mendengar, lagi Maha Mengetahui"
(Al-Anfal:61)

Segeralah berbuat baik dan bersatulah kita kerana perbuatan itu berupaya mententeramkan hati. Giatlah beramal, berzakat dan menolong orang.

• **Marilah kita sama-sama memerdekakan diri dan fikiran dalam meneruskan usaha kita menjadikan diri kita terbaik untuk agama, bangsa dan negara.**

Sekian, Wassalam.

Kamilia Ibrahim
4 February 2011
1 Rabiulawal1432

-Warkah DK 2-